

# Góa ê Chhiú-ki-á

Homosapiens ATC, 2000/09/08

Góa ũ chit ki chhiú-ki-á, sī Nokia..ê. Nokia sī hiān-chhú-sī sè-kài siōng tōa keng ê hêng-tōng tiān-ōe chē-chō chhiú". Lí khó-lêng ē siū" kóng, án-ne it-tēng sī Bí-kok chē..ê. Kā lí kóng, m̄-tiòh! sī Hun-lân (Finland) chē-chō..ê. Hun-lân chit ê kok-ka ũ 2 chióng hoat-tēng gí (Official languages), chiū-

sī Hun-lân-gí (Finnish) kap Sūi-tián-gí (Swedish).

Chit-má, tī ke-lō, pah-hòe kong-si, hák-hāu m̄ng-kháu, sīm-chì chhài-chhī-á, lí lóng thang khòa" tiòh tōa-tōa sè-sè lāng-lāng ê chhiú--nih lóng giâ chit-ki chhiú-ki-á. Lí ē khòa" tiòh in put-sám-sī lóng k̄ ki-á tú-tī chhiú teh kóng ōe. Ná kiâ"-lō ná kóng, sái chia mā kóng, sīm-chì

khiâ ó-tó-bái iā chiàu-siōng ná khiâ ná kóng! Kóng bē soah. Kài-sēng bô kā sè-kan t̄i kín kóng oan bē-iōng--tit sio-kāng! Hit ê chhiú tú ki-á kóng ōe ê chēng-kéng, khòa"--khí--lái bē-su sè-hàn gín-á teh suh gū-leng-chhiú-á ê khoán! Góa chhiang-chhài teh siū", nā chún-kóng tōa-lāng chiáh-hun

---

---

Tâioanji Tē 4 kī p.13

---

---

sī piáu-sī iáu-teh suh a-bú ê leng, án-ne, khà chhiú-ki-á ê hiān-siōng leh?

Jūn-chin lái kóng, chhiú-ki-á sít-chhài ũ-ia" chin hó iōng. Lí kā siū", chit ki sè-sè ki ê ki-á, thang hō lí tui thi"-téng kóng kàu tē-bīn, Tâi-ōan thih kàu Bí-kok. Che nā tī 30 nī chēng kóng hō lāng thia", lāng kiám-chhái ē kóng lán sī kiâ" hūn-téng..ê, teh kóng he ũ-khang bô-sún..ê!

Góa chin ùi chah chhiú-ki-á! Sū-sít sī, góa kin-pún tiòh bô chhiú-ki-á. Lí só khòa"--tiòh góa giâ tī chhiú--nih hit-ki sī hōng bēng-lēng chah..ê. Lóng mā góan khan..ê kiông-chē..ê! Hit kang, góa chài góan cha-bó kiá" beh khi siōng-pan. Kiâ" kòe Tēng-chheng-lō (澄清路) ê sī, khòa" tiòh chit t̄i chū-ka-iōng..ê kiâu-chhia lòng tiòh ó-tó-bái. Khiâ ó-tó-bái..ê hōng lòng-tó tī thō-kha. Khòa"--khí--lái bô sē"-miā gūi-hiám ê khoán. Kā lāng lòng--tiòh hit ê lāng khiā tī sin-pi" teh khà chhiú-ki-á, eng-kai sī teh thó kiù-peng. Góa sū i kā góan cha-bó kiá" kóng, "Lí iōng chhiú-ki-á khà hō 110 á-si 119 thó kiù-peng." Chit ê sī-chūn, lí ē chhoah chit-tiòh, chhiú-ki-á ũ chia-nih hó-iōng!!

Hó-iōng sī hó-iōng, m̄-kú mā ũ i bái ê ũi, chiū-sī chhiú-ki-á pí lāng khah tōa! Lí nā kap bó-lāng teh khai-káng ê sī, chhiú-ki nā hiáng, tiā"-tiòh sī seng chiap chhiú-ki-á! Put-kóan lín tng-teh kóng..ê sī gōa-nih-á tiōng-iàu! Koh chit hāng, óah beh chhà--sí! Chiáh-p̄ng giang, chē-chhia giang, tī chín-só giang, tī ka-pi-thia" mā giang! Liân 7gòeh 23 kí Tiong-san Tâi-hák thia" Lí, Siù-liân Hù-chóng-thóng káng-ián ê tiū"-bīn mā giang-giang-kiò! Sít-chhài sī m̄-bat-jī koh kiam bô lé-sò!

Chò i-liâu kang-khòe 20 tang, góa ài án-ne kóng, " Chhiú-ki-á hó iōng bô m̄ tiòh! Bái ê ũi lí mā ài thang chai." Chiū-sī i ê tiān-chū-pho(電磁波)! Nā bô sè-jī, nī-kú gòeh-chhim ē chō-sēng siá"-khóan ê sng-hāi, chit-má iáu m̄ chai!